

ქალაქ თბილისის მუნიციპალიტეტის საკრებულოს ქონების მართვის და საფინანსო  
საბიუჯეტო კომისიის სხდომის  
ოქმი № 6

22 დეკემბერი 2025 წ.  
14:00 სთ

ქ. თბილისი. თავისუფლების მოედანი №2

**მოწვეული სტუმარი:**

საფინანსო საქალაქო სამსახური-გაიოზ თალაკვაძე, ლევან მიქაძე

**ქონების მართვის და საფინანსო საბიუჯეტო კომისიის წევრებიდან სხდომას ესწრებოდნენ:**

**კომისიის თავმჯდომარე- ლევან არველაძე,**

**კომისიის წევრები-**ბექა მიქაუტაძე, ზურაბ აბაშიძე, ლევან აბაშიძე, მამუკა ხაბარელი, ვაჟა კოკია, ირაკლი ბენდელიანი

ქონების მართვის და საფინანსო საბიუჯეტო კომისიის სხდომა უფლებამოსილია.

სხდომის თავმჯდომარემ კომისიის წევრებს გააცნო და კენჭისყრაზე დააყენა დღის წესრიგი.

**დღის წესრიგი:**

1. „ქალაქ თბილისის მუნიციპალიტეტის 2026 წლის ბიუჯეტის შესახებ“ ქალაქ თბილისის მუნიციპალიტეტის საკრებულოს დადგენილების პროექტი  
საკრ.№12-032534442-03 10/12/2025

დღის წესრიგი დამტკიცდა.

ქალაქ თბილისის მუნიციპალიტეტის 2026 წლის ბიუჯეტის შესახებ“ ქალაქ თბილისის მუნიციპალიტეტის საკრებულოს დადგენილების პროექტი, კომისიის წევრებს წარუდგინა გაიოზ თალაკვაძემ.

მომხსენებელის განმარტებით, ქალაქ თბილისის მუნიციპალიტეტის 2026 წლის ბიუჯეტის პროექტი წარმოდგენილია საქართველოს კანონის „საქართველოს საბიუჯეტო კოდექსისა“ და საქართველოს ორგანული კანონის „ადგილობრივი თვითმმართველობის კოდექსის“ მოთხოვნათა დაცვით და პროექტს თან ახლავს ქალაქ თბილისის მუნიციპალიტეტის 2026-2029 წლების პრიორიტეტების დოკუმენტი და ინფორმაციული ხასიათის დანართები: დანართი 1 – პროგრამული ბიუჯეტის შესახებ (დეტალური ინფორმაცია პროგრამის/ქვეპროგრამის ფარგლებში განსახორციელებელი ღონისძიებების შესახებ), დანართი 2 - კაპიტალური პროექტების შესახებ, დანართი 3 - პროგრამების/ქვეპროგრამების განსახორციელებელი ორგანიზაციების შესახებ, დანართი 4 - სხვა ხარჯების შესახებ, დანართი 5 - ქალაქ თბილისის მუნიციპალიტეტის მიერ დაფუძნებული სსიპ-ების, ა(ა)იპ-ების და სამთავრობო სექტორს მიკუთვნებული სახელმწიფო საწარმოების ბიუჯეტების შესახებ, დანართი 6 - ქალაქ თბილისის მუნიციპალიტეტის მიერ დაფუძნებული სამთავრობო სექტორს მიკუთვნებული სახელმწიფო საწარმოების ბიუჯეტების შესახებ, დანართი 7 - ქალაქ თბილისის მუნიციპალიტეტის 2025 წლის ბიუჯეტის 9 თვის შესრულების მიმოხილვის შესახებ.

წარმოგენილ პროექტში გათვალისწინებულია ქალაქ თბილისის მუნიციპალიტეტის საკრებულოს კომისიებისა და ფრაქციების მიერ „ქალაქ თბილისის მუნიციპალიტეტის 2026 წლის ბიუჯეტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის პირვანდელ ვარიანტზე გამოთქმული შენიშვნებისა და წინადადებების ნაწილი.

წარმოდგენილი პროექტით, ქალაქ თბილისის მუნიციპალიტეტის 2026 წლის ბიუჯეტის მოცულობა განისაზღვრა **2 193 388,7 ათასი ლარით**, რაც 2025 წლის დამტკიცებულ ბიუჯეტთან (1 983 178,0 ათასი ლარი) მიმართებაში გაზრდილია 210 210,7 ათასი ლარით, ხოლო 2026 წლის პირველად წარდგენილ ბიუჯეტის პროექტთან შედარებით გაზრდილია 110 906,5 ათასი ლარით. აღნიშნული გამოწვეულია საკუთარი შემოსულობების დაზუსტების, საქართველოს პარლამენტში „საქართველოს 2026 წლის სახელმწიფო ბიუჯეტის პროექტის“ მესამე წარდგენის და საქართველოს ფინანსთა სამინისტროდან მიმდინარე წლის 1 დეკემბერს მიღებული წერილის (N04-03/84793) გათვალისწინებით, რომლის თანახმად გადასახადების ჯამური მოცულობა იზრდება 5 138,6 ათასი ლარით (დამატებული ღირებულების გადასახადი), ქალაქ თბილისის მუნიციპალიტეტს სახელმწიფო ბიუჯეტიდან მისაღები კაპიტალური სპეციალური ტრანსფერის სახით დამატებით გამოეყოფა 50 000,0 ათასი ლარი, პერსონალური ასისტენტის მომსახურებისათვის დელეგირებული უფლებამოსილების განსახორციელებლად იზრდება მიზნობრივი ტრანსფერის მოცულობა 2 767,9 ათასი ლარით (საქართველოს უკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს წერილი (MOH 3 25 00941831), ხოლო სხვა შემოსავლების ნაწილში მისაღები შემოსავლები იზრდება - 53 000,0 ათასი ლარის ოდენობით.

ქალაქ თბილისის მუნიციპალიტეტის 2026 წლის ბიუჯეტის შემოსავლების საპროგნოზო მაჩვენებელი განისაზღვრა 2 123 388,7 ათასი ლარის ოდენობით, რაც 2025 წლის დამტკიცებულ მაჩვენებელთან (1 903 178,0 ათასი ლარი) შედარებით გაზრდილია 220 210,7 ათასი ლარით, ხოლო ბიუჯეტის პროექტის პირველ ვერსიასთან (2 012 482,2 ათასი ლარი) შედარებით გაზრდილია 110 906,5 ათასი ლარით. მათ შორის:

– **გადასახადები განისაზღვრა 1 022 413,6 ათასი ლარით**, რაც 2025 წლის დამტკიცებულ მაჩვენებელთან (987 349,2 ათასი ლარი) მიმართებაში გაზრდილია 35 064,4 ათასი ლარით, ხოლო პირველად წარდგენილ პროექტთან მიმართებაში გაზრდილია 5 138,6 ათასი ლარით. მათ შორის:

ქონების გადასახადიდან მისაღები შემოსავალი შეადგენს 350 000,0 ათას ლარს, რაც 2025 წლის დამტკიცებულ მაჩვენებელთან (320 000,0 ათასი ლარი) შედარებით გაზრდილია 30 000,0 ათასი ლარით, ხოლო პირველად წარდგენილ პროექტთან მიმართებაში უცვლელია. მათ შორის:

საწარმოთა ქონებაზე გადასახადი 282 000,0 ათასი ლარი;

ფიზიკურ პირთა ქონებაზე გადასახადი 48 000,0 ათასი ლარი.

მიწაზე ქონების გადასახადი 20 000,0 ათასი ლარი.

დამატებული ღირებულების გადასახადიდან მისაღები შემოსავალი შეადგენს 672 413,6 ათას ლარს, რაც 2025 წლის დამტკიცებულ მაჩვენებელთან (667 349,2 ათასი ლარი) შედარებით გაზრდილია 5 064,4 ათასი ლარით, ხოლო პირველად წარდგენილ პროექტთან მიმართებაში - 5 138,6 ათასი ლარით მეტია.

**გრანტები** შეადგენს 660 436,1 ათას ლარს, რაც 2025 წლის დამტკიცებულ მაჩვენებელთან (594 174,6 ათასი ლარი) მიმართებაში გაზრდილია 66 261,5 ათასი ლარით, ხოლო პირველად წარდგენილ პროექტთან მიმართებაში - 52 767,9 ათასი ლარით მეტია. მათ შორის:

- საერთაშორისო ორგანიზაციებიდან მიღებული გრანტები განისაზღვრა - 405,0 ათასი ლარით;

- სხვა დონის სახელმწიფო ერთეულებიდან მიღებული მიზნობრივი ტრანსფერი - 4 551,1 ათასი ლარით;

- სხვა დონის სახელმწიფო ერთეულებიდან მიღებული სპეციალური ტრანსფერი - 630 000,0 ათასი ლარი (მათ შორის რუსთაველის გამზირის რეაბილიტაცია; მიწისქვეშა ნაგავშემკრები კონტეინერების შეძენა, სამგორი-ვაზისუბნის საბაგირო გზის მშენებლობა);

- სხვა კაპიტალური გრანტები სახელმწიფო ბიუჯეტიდან - 25 480,0 ათასი ლარი;

**სხვა შემოსავლები 440 539,0 ათასი ლარი**, რაც 2025 წლის დამტკიცებულ მაჩვენებელთან (321 654,2 ათასი ლარი) გაზრდილია 118 884,8 ათასი ლარით, ხოლო პირველად წარდგენილ პროექტთან მიმართებაში გაზრდილია - 53 000,0 ათასი ლარით.

ბიუჯეტის პროექტის გადამუშავებულ ვარიანტში ქალაქ თბილისის მუნიციპალიტეტის 2026 წლის ბიუჯეტის **გადასახდელები** შეადგენს 2 193 388,7 ათას ლარს. მათ შორის:

ქალაქ თბილისის მუნიციპალიტეტის 2026 წლის ბიუჯეტის **ხარჯები** - განსაზღვრულია 1 794 337,1 ათასი ლარით, **არაფინანსური აქტივების ცვლილება**

წარმოდგენილი პროექტით არაფინანსური აქტივების ცვლილება შეადგენს - 291 480,7 ათას ლარს, მათ შორის:

– არაფინანსური აქტივების ზრდა – 361 480,7 ათასი ლარი.

– არაფინანსური აქტივების კლება – 70 000,0 ათასი ლარი (მათ შორის საცხოვრებელი სახლების ფართის გაყიდვიდან - 30 000,0 ათასი ლარი, არასაცხოვრებელი შენობების გაყიდვიდან 4 000,0 ათასი ლარი, არაწარმოებული აქტივები (მიწა) 36 000,0 ათასი ლარი).

**ვალდებულებების ცვლილება**

2026 წლისათვის ვალდებულებების ცვლილება (37 570,9) ათასი ლარი, რომელიც მთლიანად ვალდებულებების კლებას შეადგენს.

2026 წლისთვის **ქალაქ თბილისის მუნიციპალიტეტის ბიუჯეტის მთლიანი სალდო** განისაზღვრა 37 571,0 ათას ლარით, რაც ნიშნავს რომ ქალაქ თბილისის მუნიციპალიტეტის 2026 წლის ბიუჯეტი არის პროფიციტური.

**ქალაქ თბილისის მუნიციპალიტეტის 2026 წლის ბიუჯეტის ასიგნებები** შეადგენს 2 193 388,7 ათას ლარს, რაც 2025 წლის დამტკიცებულ ბიუჯეტთან (1 983 178,0 ათასი ლარი) შედარებით გაზრდილია 210 210,7 ათასი ლარით, ხოლო ბიუჯეტის პროექტის პირველად ვერსიასთან (2 082 482,2 ათასი ლარი) შედარებით გაზრდილია 110 906,5 ათასი ლარით. ასიგნებები გადანაწილდა შემდეგ პრიორიტეტებზე:

❖ სატრანსპორტო ინფრასტრუქტურის მშენებლობა - აღდგენა - 696 339,7 ათასი ლარით, რაც 2025 წლის დამტკიცებულ ბიუჯეტთან (685 915,7 ათასი ლარი) შედარებით გაზრდილია 10 424,0 ათასი ლარით, ხოლო პირველ წარდგენილ პროექტთან (656 339,7 ათასი ლარი) მიმართებაში - 40 000,0 ათასი ლარით მეტია. მიზნით), ემატება ახალი ქვეპროგრამა - სამგორი-ვაზისუბნის საბაგიროს გზის მშენებლობის (კოდი 01 02 06) - 10 000,0 ათასი ლარის ოდენობით;

❖ ინფრასტრუქტურის ობიექტების მშენებლობა, ექსპლუატაცია და ავარიული შენობების

ლარი) შედარებით გაზრდილია 59 436,0 ათასი ლარით, ხოლო პირველ წარდგენილ პროექტთან (278 531,3 ათასი ლარი) მიმართებაში - 27 400,0 ათასი ლარით მეტია. მათ შორის: სადგურის მოედნისა და დადიანის ქუჩის დამაკავშირებელი საავტომობილო ხიდის პროექტირება და მშენებლობის (კოდი 02 01 02) ქვეპროგრამის ასიგნებები - 10 000,0 ათასი ლარი; კეთილმოწყობის ღონისძიებები გლდანის რაიონში (კოდი 02 09 10) ქვეპროგრამის ასიგნებები - 3 400,0 ათასი ლარი (მუხიანი - 2 სანიაღვრე კოლექტორის მოწყობის მიზნით, მრავალწლიანი ხელშეკრულება), ქალაქის განვითარების ხელშეწყობა (კოდი 02 10) პროგრამის ასიგნებები 14 000,0 ათასი ლარი (მათ შორის ნარიყალას რეაბილიტაციის (მეორე ეტაპი) - 11 000,0 ათასი ლარი, ნარიყალაზე სიონის დ მამა დავითის გადახურვისთვის - 3 000,0 ათასი ლარი);

❖ ეკოლოგიური მდგომარეობის შენარჩუნება და გაუმჯობესება - 314 760,6 ათასი ლარით, რაც 2025 წლის დამტკიცებულ ბიუჯეტთან (263 120,9 ათასი ლარი) შედარებით გაზრდილია 51 639,7 ათასი ლარით, ხოლო პირველ წარდგენილ პროექტთან (292 760,6 ათასი ლარი) მიმართებაში - 22 000,0 ათასი ლარით მეტია. იზრდება დასუფთავების ღონისძიებების (კოდი 03 02) პროგრამის ასიგნებები - 22 000,0 ათასი ლარით (მათ შორის რუსთაველის გამზირზე ნაგავშემკრები კონტეინერების (მიწისქვეშა) შეძენა - 10 000,0 ათასი ლარი, სპეცტექნიკის (15 ერთეული) შეძენა - 12 000,0 ათასი ლარი);

❖ ეკონომიკის განვითარების ხელშეწყობა - 3 079,5 ათასი ლარით, რაც პირველ წარდგენილ პროექტთან მიმართებაში უცვლელია;

❖ ბინათმესაკუთრეთა ამხანაგობების განვითარება განსაზღვრულია 62 491,3 ათასი ლარით, რაც 2025 წლის დამტკიცებულ ბიუჯეტთან (47 491,3 ათასი ლარი) და პირველ წარდგენილ პროექტთან (47 491,3 ათასი ლარი) მიმართებაში - 15 000,0 ათასი ლარით მეტია. პრიორიტეტის ფარგლებში ძირითადად იზრდება ლიფტების რეაბილიტაციის მიზნით ასიგნებები, მათ შორის: (მათ შორის გლდანი - 2 590,0 ათასი ლარი, ნაძალადევი - 2 325,0 ათასი ლარი, დიდუბე - 1 877,0 ათასი ლარი, ჩუღურეთი - 440,0 ათასი ლარი, ვაკე - 1 575,0 ათასი ლარი, საბურთალო - 2 075,0 ათასი ლარი, ისანი - 1 182,0 ათასი ლარი, სამგორი - 2 500,0 ათასი ლარი, კრწანისი - 293,0 ათასი ლარი, მთაწმინდა - 143,0 ათასი ლარი);

❖ ჯანმრთელობის დაცვა და სოციალური უზრუნველყოფა განსაზღვრულია 185 152,3 ათასი ლარით, რაც 2025 წლის დამტკიცებულ ბიუჯეტთან (165 575,2 ათასი ლარი) შედარებით გაზრდილია 19 577,1 ათასი ლარით, ხოლო პირველ წარდგენილ პროექტთან (182 384,4 ათასი ლარი) მიმართებაში - 2 767,9 ათასი ლარით მეტია. იზრდება პერსონალური ასისტენტის მომსახურებით უზრუნველყოფის (კოდი 06 02 27) ქვეპროგრამის ასიგნებები დელეგირებული უფლებამოსილების განსახორციელებლად (საქართველოს უკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს წერილი (MOH 3 25 00941831));

❖ განათლება დაიგეგმა - 303 331,6 ათასი ლარით, რაც 2025 წლის დამტკიცებულ ბიუჯეტთან (261 539,9 ათასი ლარი) შედარებით გაზრდილია 41 791,7 ათასი ლარით, ხოლო პირველ წარდგენილ პროექტთან (300 602,4 ათასი ლარი) მიმართებაში 2 729,2 ათასი ლარით მეტია. იზრდება სკოლამდელი აღზრდის დაწესებულებების ხელშეწყობა (კოდი 07 01 02) ქვეპროგრამის ასიგნებები 3 600,0 ათასი ლარით (სხვა ინფრასტრუქტურული პროექტები (ფორსმაჟორის და ავტორიზაციის ხარჯები), თბილისის საჯარო სკოლების მცირე ინფრასტრუქტურული სამუშაოები (კოდი 07 02 06) ქვეპროგრამის ასიგნებები 110,0 ათასი ლარით, იურიდიული კლინიკა (კოდი 07 05 02) ქვეპროგრამის ასიგნებები - 19,2 ათასი ლარით, ხოლო მცირდება საზოგადოებისათვის მნიშვნელოვანი ინფორმაციის გავრცელება (კოდი 07 02 04) - ქვეპროგრამის ასიგნებები - 1 000,0 ლარით;

❖ კულტურა, სპორტი და ახალგაზრდობა - 50 558,8 ათასი ლარით, რაც 2025 წლის დამტკიცებულ ბიუჯეტთან (39 294,0 ათასი ლარი) შედარებით გაზრდილია 11 264,8 ათასი ლარით, ხოლო პირველ წარდგენილ პროექტთან (50 558,8 ათასი ლარი) მიმართებაში უცვლელია. აღსანიშნავია, რომ პრიორიტეტის ფარგლებში შიდა გადანაწილების ხარჯზე იზრდება თბილისის სპორტისა და ახალგაზრდობის ცენტრების ხელშეწყობის (კოდი 08 08 02) ქვეპროგრამის ასიგნება - 1 828,2 ათასი ლარით (მრავალწლიანი ხელშეკრულების შესაბამისად ვერის ჩოგბურთის კორტების და ადმინისტრაციული შენობის რეაბილიტაციის მიზნით), დიდმის მასივში, მე-3 კვარტალში მრავალფუნქციური სპორტული კომპლექსის მშენებლობა (კოდი 08 06 09) ქვეპროგრამის ასიგნების შემცირების ხარჯზე;

❖ საზოგადოებრივი წესრიგი და უსაფრთხოება - 13 196,7 ათასი ლარით, რაც 2025 წლის დამტკიცებულ ბიუჯეტთან (15 779,2 ათასი ლარი) შედარებით შემცირებულია 2 582,5 ათასი ლარით, ხოლო პირველ წარდგენილ პროექტთან (13 196,7 ათასი ლარი) უცვლელია;

❖ ქ. თბილისის წარმომადგენლობითი და ადმინისტრაციული ორგანოები - 258 546,9 ათასი ლარით, რაც 2025 წლის დამტკიცებულ ბიუჯეტთან (254 887,0 ათასი ლარი) შედარებით გაზრდილია 3 659,9 ათასი ლარით, ხოლო პირველ წარდგენილ პროექტთან (257 537,5 ათასი ლარი) მიმართებაში 1 009,4 ათასი ლარით მეტია, რაც მიიმატება ქალაქ თბილისის მუნიციპალიტეტის მერიის სტრუქტურულ ერთეულებში და რაიონის გამგეობებში შრომის ანაზღაურებასთან დაკავშირებით, გაზრდილი ფინანსური რესურსის დასაბალანსებლად. გარდა ამისა, პრიორიტეტის ფარგლებში შიდა გადანაწილების ხარჯზე იზრდება

03) – 145,5 ათასი ლარით, ეკონომიკური განვითარების საქალაქო სამსახური (კოდი 10 04) – 309,9 ათასი ლარით, მუნიციპალური შესყიდვების საქალაქო სამსახური (კოდი 10 06) – 110,4 ათასი ლარით, მუნიციპალური ინსპექცია (კოდი 10 07) – 635,8 ათასი ლარით, შიდა აუდიტისა და მონიტორინგის საქალაქო სამსახური (კოდი 10 09) – 75,9 ათასი ლარით, ინფრასტრუქტურის განვითარების საქალაქო სამსახური (კოდი 10 10) – 192,6 ათასი ლარით, იურიდიული საქალაქო სამსახური (კოდი 10 12) – 380,9 ათასი ლარით, უსაფრთხოების საქალაქო სამსახური (კოდი 10 13) – 1 802,6 ათასი ლარით, გლდანის რაიონის გამგეობა (კოდი 10 27) – 263,9 ათასი ლარით, ნაძალადევის რაიონის გამგეობა (კოდი 10 28) – 254,4 ათასი ლარით, დიდუბის რაიონის გამგეობა (კოდი 10 29) – 222,8 ათასი ლარით, ჩუღურეთის რაიონის გამგეობა (კოდი 10 30) – 210,8 ათასი ლარით, ვაკის რაიონის გამგეობა (კოდი 10 31) – 263,6 ათასი ლარით, საბურთალოს რაიონის გამგეობა (კოდი 10 32) – 242,3 ათასი ლარით, ისნის რაიონის გამგეობა (კოდი 10 33) – 239,6 ათასი ლარით, სამგორის რაიონის გამგეობა (კოდი 10 34) – 293,0 ათასი ლარით, კრწანისის რაიონის გამგეობა (კოდი 10 35) – 215,7 ათასი ლარით, მთაწმინდის რაიონის გამგეობა (კოდი 10 36) – 259,0 ათასი ლარით, ჯანმრთელობისა და სოციალური მომსახურების საქალაქო სამსახური (კოდი 10 37) – 109,3 ათასი ლარით, კულტურის, განათლების, სპორტისა და ახალგაზრდულ საქმეთა საქალაქო სამსახური (კოდი 10 43) – 210,4 ათასი ლარით, გარემოს დაცვის საქალაქო სამსახური (კოდი 10 44) – 259,1 ათასი ლარით, ხოლო მცირდება მდგრადი ურბანული მობილობა - გონიერი სატრანსპორტო სისტემა (KfW) (კოდი 10 23) – 1 161,4 ათასი ლარით, თბილისის მეტროს სადგურების სესხის მომსახურება (კოდი 10 25) – 1 300,0 ათასი ლარით, თბილისის ნარჩენების გადამუშავების პროექტის სესხის მომსახურება (კოდი 10 38) – 1 000,0 ათასი ლარით, თბილისის ნარჩენების პოლიგონის გაუმჯობესების სისტემის პროექტის სესხის მომსახურება (კოდი 10 39) – 500,0 ათასი ლარით, თბილისის მეტროს (მოდრავი შემადგენლობის განახლება) მოდერნიზაციის პროექტის სესხის მომსახურება (AIIB) (კოდი 10 41) – 2 250,5 ათასი ლარით, სსიპ ქალაქ თბილისის მუნიციპალიტეტის ტრანსპორტისა და ურბანული განვითარების სააგენტო - 133,7 ათასი ლარით.

გარდა ამისა, დაზუსტდა ბიუჯეტით განსაზღვრული მომუშავეთა რიცხოვნობა შემდეგ პროგრამებში: ეკონომიკური განვითარების საქალაქო სამსახურის (კოდი 10 04) მომუშავეთა რიცხოვნობა იზრდება 2 ერთეულით, გარემოს დაცვის საქალაქო სამსახურის (კოდი 10 44) მომუშავეთა რიცხოვნობა 3 ერთეულით და ქ. თბილისის მუნიციპალიტეტის სსიპ ქონების მართვის სააგენტოს (კოდი 10 21) მომუშავეთა რიცხოვნობა - 9 ერთეულით. შესაბამისად, ბიუჯეტის პროექტით განსაზღვრული მომუშავეთა რიცხოვნობა მთლიანობაში იზრდება 15 ერთეულით და განისაზღვრა 4951 ერთეულით.

2026 წლისათვის იგეგმება გარდამავალი თავისუფალი ნაშთის გამოყენება სხვადასხვა მიმართულებებზე.

ბიუჯეტის პროექტის განხილვა წარმართა კითხვა-პასუხის რეჟიმში.

შეკითხვების ამოწურვის შემდეგ სხდომის თავმჯდომარემ კენჭისყრაზე დააყენა საკითხი.

#### **მომხრე-7**

**ქონების მართვის და საფინანსო საბიუჯეტო კომისიამ რეკომენდაცია მისცა „ქალაქ თბილისის მუნიციპალიტეტის 2026 წლის ბიუჯეტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის საკრებულოს სხდომაზე გატანას.**

**სხდომა გამოცხადდა დასრულებულად.**

**ქონების მართვის და საფინანსო საბიუჯეტო  
კომისიის თავმჯდომარე**



**ლევან არველაძე**